

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EB63/04

四庫全書存目叢書·子部三八

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 52.75 印張

1995 年 9 月第 1 版 1995 年 9 月第 1 次印刷

印數 1-100

ISBN 7-5333-0478-0

Z·27 子部定價：78300 圓

子部第三八冊目次

子部·農家類

於潛令樓公進耕織二圖詩一卷附錄一卷

〔宋〕樓璣撰

中國科學院圖書館藏清乾隆道光間長塘鮑氏刻知不足齋叢書本

野菜譜一卷

〔明〕王磐撰

北京圖書館藏明刻本

農說一卷

〔明〕馬一龍撰

中國科學院圖書館藏明萬曆繡水沈氏刻寶顏堂秘笈本

梭山農譜三卷

〔清〕劉應棠撰

中國科學院圖書館藏清同治新建吳氏皖城刻半畝園叢書本

幽風廣義三卷

〔清〕楊岫撰

北京師範大學圖書館藏清乾隆刻本

子部·醫家類

新增素問運氣圖括定局立成一卷

〔明〕熊宗立撰

北京大學圖書館藏明初刻本

..... 一

..... 八

..... 二六

..... 四〇

..... 五五

..... 一五五

素問鈔補正十二卷附滑氏診家樞要一卷

〔明〕丁璣輯
上海圖書館藏明嘉靖八年刻本

一七三

讀素問鈔九卷補遺一卷

〔元〕滑壽輯 〔明〕汪機續註
北京大學圖書館藏明嘉靖刻本

二四三

黃帝內經素問註證發微九卷補遺一卷黃帝內經靈樞註證發微九卷(一)

〔明〕馬蒔撰

上海圖書館藏明萬曆十四年王元敬刻本

三六七

於潛令樓公進耕織二圖詩

一卷附錄一卷

〔宋〕樓琦撰

中國科學院圖書館藏清乾隆道光間

長塘鮑氏刻知不足齋叢書本

附《四庫全書總目·耕織圖詩

無卷數》提要

於潛令樓公 進耕織二圖詩

耕圖二十一首

浸種

谿頭夜雨足門外春水生筠籃浸淺碧嘉穀抽新萌西
疇將有事耜耨隨農興雙雞祭句芒再拜祈秋成

耕

東臯一犁雨布穀初催耕綠野暗春曉烏犍苦肩頰我
銜勸農字杖策東郊行永懷歷山下法事關聖情

把耨

耕織圖詩

一知不足齋叢書

雨笠冒宿霧風蓑擁春寒破塊得甘霑齧膝浸微瀾泥
深四蹄重日暮兩股酸謂彼牛後人著鞭無作難

耖

脫絳下田中盎漿著膝尾巡行徧畦畛扶耖均泥滓遲
遲春日斜稍稍樵歌起薄莫佩牛歸共浴前谿水

碌碡

力田巧機事利器山心匠翩翩轉圓樞袞袞鳴翠浪三
春欲盡頭萬頃平如掌漸暄牛已喘長懷丙丞相

布秋

舊穀發新穎梅黃雨生肥下田初播種卻行手奮揮明
朝望平疇綠鍼刺風漪審此一寸根行作合穗期

淤蔭

殺草聞吳兒灑灰傳自祖田田皆沃壤泣泣流膏乳膝
頭烏啄泥谷口鳩喚雨敢望稼如雲工夫蓋如許

拔秧

新秧初出水沙渺翠瑛齊清晨且拔擢父子爭提攜既
沐青滿握再櫛根無泥及時趁芒種散著畦東西

插秧

耕織圖詩

二知不足齋叢書

晨雨麥秋潤午風槐夏涼谿南與谿北嘯歌插新秧拋
擲不停手左右無亂行我將教秧馬代勞民莫忘

一耘

時雨既已降良苗日懷新去草如去惡務令盡陳根泥
蟠任犢鼻御行生浪紋眷惟聖天子儻亦思鳥耘

二耘

解衣日炙背戴笠汗濡首敢辭冒炎蒸但欲去莠莠壺
漿與簞食亭午來餉婦要兒知稼穡豈日事搨幼

三耘

農田亦甚劬三復事耘籽經年苦艱食喜見苗莖疑尤
農念一飽對此出饒水願天均雨賜滿野如雲委

灌溉

握苗鄙宋人抱甕慙蒙莊何如銜尾鴉倒流竭池塘權
種舞翠浪籩籩生晝涼斜陽耿衰柳笑歌開女郎

收刈

田家刈穫時腰鎌競倉卒霜濃手龜坼日永身聲折兒
童行拾穗風色凌短褐歡呼荷擔歸望望屋山月

登場

耕織圖詩

三知不足齋叢書

禾黍已登場稍覺農事優黃雲滿高架白水空西疇用
此可卒歲願言免防秋太平本無象村舍炊煙浮

持穗

霜時天氣佳風勁木葉脫持穗及此時連枷聲亂發黃
雞啄遺粒烏鳥喜聒聒歸家抖塵埃夜屋燒柸柸

簸揚

臨風細揚簸糠粃零風前傾瀉雨聲碎把翫玉粒圓短
簞箕帚婦收拾亦已專豈圖較斗升未敢忘凶年

薯

推挽人摩肩展轉石礪齒般牀作春雷旋風落雲子有
如布山川部婁勢相時前時斗量珠滿眼俄有此

春碓

娟娟月過牆窸窣風吹葉田家當此時村春響相答行
聞炊玉香會見流匙滑更須水轉輪地碓勞蹴蹋

簾

茅檐閒杵日竹扉細簾簾照人珠琲光奮臂風雨過計
功初不淺飽食良自賀西鄰華屋兒醉飽正高臥

入倉

耕織圖詩

四知不足齋藏書

天寒牛在牢歲莫粟入庾田父有餘樂多背臥檐無卻
愁催賦租胥吏來旁午輸官王事了索飯兒叫怒

織圖二十四首

浴蠶

農桑將有事時節過禁烟輕風歸燕日小雨浴蠶天春
衫卷縞袂盆池弄清泉深宮想齋戒躬桑率民先

下蠶

穀雨無幾日谿山暖風高華蠶初破殼落紙細于毛柔
桑摘蠶翼歛歛才容刀茅檐紙窗明未覺眼力勞

餵蠶

蠶兒初飯時桑葉如錢許扳條摘鵝黃藉紙觀蟻聚屋
頭草木長窗下兒女語日長人頗閒鍼線隨緝補

一眠

蠶眠白日靜鳥語青春長抱脛聊似寐孰能事梳妝水
邊多麗人羅衣踢春陽春陽無限思豈知問農桑

二眠

吳蠶一再眠竹屋下簾幕拍手弄嬰兒一笑姑不惡風
來麥秀寒雨過桑沃若日高蠶未起谷鳥鳴百箔

耕織圖詩

五知不足齋藏書

三眠

屋裏蠶三眠門前春過半桑麻綠陰合風雨長繁暗葉
底蟲絲繁臥作字畫短偷閒一枕肱夢與楊花亂

分箔

三眠三起餘飽葉蠶局促衆多旋分箔蚤晚碓滿屋郊
原過新雨桑柘添濃綠竹閒快活吟慚媿麥飽熟

採桑

吳兒歌採桑桑下青春深鄰里講歡好遜畔無欺侵筠
籃各自攜筠梯高倍尋黃鸝飽紫甚啞啞鳴綠陰

大起

盈箱大起時食桑聲似雨春風老不知蠶婦忙如許呼
兒刈青麥朝飯已過午妖歌得綾羅不易青裙女

捉績

麥黃雨初足蠶老人愈忙辛勤減眠食顛倒著衣裳絲
腸映綠葉練練金色光松明照夜屋杜宇啼東岡

上簇

采采綠葉空翦翦白茅短撒簇輕放手蠶老絲腸嫵山
市浮晴嵐風日作妍煥會看繭如蠶纍纍光眩眼

耕織圖詩

六知不足齋叢書

炙箔

裁裁熟薪炭重重下簾幕初出蟲結網遽若雪滿箔老
翁不勝勤候火珠汗落得閒兒女子困臥呼不覺

下簇

晴明開雪屋門巷排銀山一年蠶事辦下簇春向闌鄰
里兩相賀翁媪一笑歡后如應獻繭喜色開天顏

擇繭

大繭至入蠶小繭止獨蛹繭衣繞指柔收拾擬何用冬
來作繅統與兒禦寒凍衣帛非不能債多租稅重

窖繭

盤中水晶鹹井上梧桐葉陶器固封泥窖繭過旬決門
前春水生布穀催畚鍤明朝踴繅車車輪纏白氈

纈絲

連村煮繭香解事誰家娘盈盈意媚竈拍手探湯上
盆顏色好轉軸頭緒長晚來得少休女伴語隔牆

蠶蛾

蛾初脫纏縛如蝶栩栩然得偶粉翅光散子金粟圍歲
月判悠悠種嗣期綿綿送蛾臨遠水蚤歸屬明年

耕織圖詩

七知不足齋叢書

祝謝

春前作蠶市盛事傳西蜀此邦享先蠶再拜絲滿目馬
革裹玉肌能神不為辱雖云事渺茫解與民為福

絡絲

兒夫督機絲輸官趁時節向來催租癩正為坐踰越朝
來掉籠勤寧復解腕脫辛勤夜未眠敗屋燈明滅

經

素絲頭緒多羨君好安排青鞵不動塵緩步交去來脈
脈意欲亂眷眷首重回王言正如絲亦付經綸才

緯

浸緯供織作寒女兩髻了繡緯一縷絲成就百種花弄
水春筍寒卷輪蠶影斜人間小阿香晴空轉雷車

織

青燈映幃幙絡緯鳴井欄軋軋揮素手風露淒已寒辛
勤幾梭始復成一端奇言羅綺伴當念麻苧單

攀花

時態尚新巧女工慕精勤心手暗相應照眼花紛紜殷
勤挑錦字曲折讀回文更將無限思織作鴈背雲

耕織圖詩

九知不足齋叢書

剪帛

低眉事機杼細意把刀尺盈盈彼美人剪剪其束帛輸
官給邊用辛苦何足惜夫勝漢繚綾粉澆不再著

周家以農事開國生民之尊祖思文之配天后稷

以來世守其業公劉之厚于民太王之于疆于理

以致文武成康之盛周公無逸之書切切然欲君

子知稼穡之艱難至七月之陳王業則又首言授

衣與夫無衣無褐何以卒歲條桑載績又兼女紅

而言之是知農桑為天下之本孟子備陳王道之

始由于黎民不飢不寒而百畝之田墾下之桑言

之至于再三而天子三推皇后親蠶遂為萬世法

高宗皇帝身濟大業紹開中興出入兵閒勤勞百

為櫛風沐雨備知民瘼尤以百姓之心為心未皇

它務下務農之詔行親蠶之典于時先大父為臨

安於潛縣令勤于民事咨訪田夫蠶婦著為耕織

二圖詩凡耕之圖廿有一織之圖廿有四詩亦如

之圖繪以盡其狀詩歌以盡其情一時朝野傳誦

幾徧尋因薦入召對進呈御覽大加嘉獎即以宣

耕織圖詩

九知不足齋叢書

示後宮則是圖是詩宜與周書無逸之篇幽風七

月之章竝垂不朽者矣亦何藉于金石而後久永

第洪等每懷祖德不忘國恩用鐫諸石自有所不

能已者耳嘉定庚午十月望孫洪謹識

附錄

耕織圖後序

周家以農事開國生民之尊祖思文之配天后稷以來世守其業公劉之厚於民太王之于疆于理以致文武成康之盛周公無逸之書切切然欲其君知稼穡之艱難至七月之陳王業則又首言九月授衣與夫無衣無褐何以卒歲至於條桑載績又兼女工而言之是知農桑為天下之本孟子備陳王道之始由於黎民不飢不寒而百畝之田墻下之桑言之至於再三而天子三推

耕織圖詩附錄

一知不足齋讀書

皇后親蠶遂為萬世法高宗皇帝身濟大業紹開中興出入兵閒勤勞百為櫛風沐雨備知民瘼尤以百姓之心為心未遑他務首下務農之詔躬耕藉田之勤伯父時為於潛令篤意民事慨念農夫蠶婦之作苦究訪始末為耕織二圖耕自浸種以至入倉凡二十一事織自浴蠶以至翦帛凡二十四事事為之圖繫以五言詩一章章八句農桑之務曲盡情狀雖四方習俗間有不同其大略不外於此見者固已耀之未幾朝廷遣使循行郡邑以課最聞尋又有近臣之薦賜對之日遂以進呈

即蒙玉音嘉獎宣示後宮書姓名屏閒初除行在審計

司後歷廣閩舶使漕湖北湖南淮東攝長沙帥維揚持

麾節十有餘載所至多著聲績實基於此晚而退閒斥

俸餘以為義莊宗黨被賜者近五紀則其居官時惠利

之及民者多矣孫洪深等慮其久而湮沒欲以詩刊諸

石鑰為之書丹庶以傳永久云嗚呼士大夫飽食煖衣

猶有不知耕織者而況萬乘之主乎累朝仁厚撫民最

深恐亦未盡知幽隱此圖此詩誠為有補於世夫沾體

塗足農之勞至矣而粟不飽其腹蠶繅織絰女之勞至

矣而衣不蔽其身使盡如二圖之詳勞非敢憚又必無

兵革力役以奪其時無汗吏暴胥以肆其毒則足以坐

享農桑之利而無衣食之艱矣然人事既盡而天時不

可必旱潦螟螣既有以害吾之農若夫桑遭雨而葉不

可食蠶有變而壞於垂成此實斯民之困苦上之人尤

不可不知此又圖之所不能述也伯父諱璠字壽玉一

字國器官至朝議大夫嘉定三年八月朔從子正奉大

夫參知政事兼太子賓客奉化郡開國公食邑三千一百戶食實封六百戶鑰謹書

耕織圖詩附錄

二知不足齋讀書

男耕女桑勤苦至矣聲詩以達其情繪事以圖其狀
刻真左右以便觀省庶幾飽食煖衣者知所自云嘉
熙改元正月中澣從曾孫朝散郎權知南康軍事杓
謹題

耕織圖詩附錄

三知不足齋叢書

乾隆辛丑正月十九日子辰寫竟計
一萬八千七百零五字仁初方潤記

耕織圖詩 無卷數 浙江 巡撫採進本

宋樓璣撰璣鄞縣人鎰之伯父也文獻通考載是
書引陳氏之言曰於潛令鄞樓璣玉撰今檢永樂
大典所載陳振孫書錄解題乃作於潛令鄞樓璣
壽玉撰是壽玉乃璣之字刊通考者誤落一壽字
也此本後有嘉定庚午璣孫洪跋又有作霖跋不
著其姓謂公孫洪跋語未載公名引樓鎰後序及
宋濂題耕織圖後以證此書為璣所作蓋作霖併
未見通考耳璣原書凡耕圖二十一織圖二十四
各係以詩今

內府所藏畫本尚在業經

御題勒石此本僅存詩三十五首不載其圖蓋非原本
矣

野菜譜一卷

〔明〕王磐撰

北京圖書館藏明刻本

附《四庫全書總目·野菜譜一

卷》提要

野菜譜序



穀不熟曰饒菜不熟曰饑饒饑之年
 充湯不免惟在有以濟之耳正德間
 江淮迭經水旱饑民枕藉道踣率皆
 採摘野菜以充食賴之活者甚衆但
 其間形類相似美惡不同誤食之或
 至傷生此野菜譜所不可無也予雖
 野真譜本
 不為世用濟物之心未嘗忘田居朝
 夕歷覽詳詢前後僅得六十餘種取
 其象而圖之俾人易識不至誤食
 而傷生且因其名而為之詠庶乎因
 是以流傳非特於吾民有所補濟抑
 亦可以備觀風者之採擇焉此野人
 之本意也同志者因其未備而廣之

則又幸矣

嘉靖三年春三月高郵王磐識

野美譜序

二

野菜譜

白鼓釘

一名蒲公英四時
皆有惟極寒天小
而可用采之熟食



高郵王 磐鴻漸甫著
郡人王應元一之甫校


白鼓釘白鼓釘豐年賽
社鼓不停凶年罷社鼓
絕聲鼓絕聲社公惱白
鼓釘化為草



剪刀股

春采生食可作羹

剪刀股剪何益剪得今
年地皮赤東家羅綺西
家綾今年不聞剪刀聲



猪殃殃

猪食之则病故
名春采熟食

猪殃殃胡不祥猪不
食遺道傍我拾之充
餽糧



野夫詩

二

絲薺薺

二三月采熟食
四月結角不用

絲薺薺如絲縷昔為
養蠶人今作挑菜侶
養蠶衣整齊挑菜衣
襤褸張家姑李家女
隴頭相見淚如雨



牛塘利

二三月采熟食亦
可作蔬

牛塘利牛得濟種草有
餘青蓄水有餘味年來
水草枯忽變為荒薺采
采療人饑更得牛塘利




野夫詩

三

浮蓄

入夏生水中央六七
月采生熟皆可食

采采浮蓄涉彼滄浪無
根可託有莖可嘗野風
浩浩野水茫茫飄蕩不
返若我流亡



水菜

秋生水田狀類白
菜熟食

水菜生水中水深不可
得挈管遠堤行日暮風
波息水清忽照人面色
如菜色



野菜譜 六

看麥娘

隨麥生隴上因名
春采熟食

看麥娘來何早麥未登
人未飽何當與爾還厥
家共嚙糟糠暫相保



狗脚跡

生霜降時葉如狗
印故名熟食

狗脚跡何處尋狡兔乳
走妖狐吟吐風揚沙一
尺深狗脚跡何處尋



野菜譜 六

破破衲

膈月便生正二月
采熟食三月老不
堪食

破破衲不堪補寒且饑
聊作脯飽煖時不忘汝



五

斜蒿

三四月生小者一
利俱可用大者摘
嫩頭於湯中畧過
晒乾臨食再用湯
泡油鹽拌食白食
亦可

斜蒿復斜蒿采采臨春
郊終日不盈把悵望登
東臯欲進不能進風日
寒瀟瀟



野菜譜

六

江薺

生騰月生熟皆可
用花時不可食但
可作齋


江薺青青江水綠江邊
挑菜女兒哭爺孃新死
兄趁熟止存我與妹着
屋



燕子不來香

早春采可熟食燕
來時則腥臭不堪
食故名

燕子不來香燕子來時
便不香我願今年燕不
來常與吾民充饑糧




野菜譜

七

猢猻脚跡

以形似名三月采
之熟食


猢猻脚跡宜爾泉石胡
不自安犯我田宅遭彼
侵凌猷畝蕭瑟獲而烹
之償我稼穡



眼子菜

六七月採生水澤
中青葉竹紫色莖
柔滑而細長可數
尺熟食


眼子菜如張目年年盼
春懷布穀猶向秋來望
時熟何事頻年倦不開
愁看四野波漂屋



猫耳朵

正二月採搗爛和
粉麩作餅蒸食

猫耳朵聽我歌今年水
患傷田禾倉廩空虛鼠
棄窠猫兮猫兮將奈何



地踏菜

一名地耳狀如木
耳春夏生雨中雨
後采熟食見日即
枯沒

地踏菜生雨中晴日一
照郊原空莊前阿婆呼
阿翁相携兒女去匆匆
須臾采得青蒲籠還家
飽食忘歲凶東家懶婦
睡正濃



窩螺齋

正月二月采之熟
食

窩螺齋如螺髻生水邊
照華麗去年郎家田不
收挑菜女兒不上頭出
門不見窩螺蓋

